

髮_莫_反 寶_{呂例}_反 啓受_{上造}_{禮及龍}_{力垂} 寶_{苦結}_反 割色_{上牛正作}_{麥音真次}

反从卽
那由他

大寶積經卷第十

龍十

西晉月氏三藏竺法護譯

密跡金剛力士會第三之三

余時寂意復問密跡金剛力士如來有幾事
祕要一切聲聞諸緣覺地所不能及也何況
凡庶闇蔽之類善哉密跡顧意樂任頒宣如
來祕要普入一切衆會咸欲聞之密跡力士
謂寂意曰諦聽諦聽善思念之今當敷演如
來祕要有三事何謂爲三一曰身密二曰口
密三曰意密何謂身密如來於斯無所思想
亦不惟念普現一切威儀禮節或有諸天人
民自喜經行見覩如來經行之時諸天人民

心自念言世尊爲上斯等逮見如來身密佛
之所念亦不思望一切衆生覩見如來至真
妙德威儀若諸天人喜坐見如來坐若諸天
人喜卧見如來卧若喜聽經見如來說經若
喜寂靜見如來默然若喜禪思見如來三昧
若天人民目視不睹若見如來目未曾睹若

意自在有喜光者便見如來光無所礙有喜
紫金色者亦見紫磨金色若諸天人民喜銀
色水精色琉璃色碼碯色碑牒黃金色真珠
正白正赤黃白紅紫色或取明月珠色暴亂
色焰光日月四天王釋梵阿須輪或中分色
須彌華色或思妙色或藥形色或碧石色或
無憂華詹葛華色或思夷華色或青蓮華紅
黃白華色或了忉利天色或毗沙門王顏或
四天王形首藏青帝黃帝赤帝白帝或虛空
淨或天人民心志無量品色各異亦見如來
若干品種功德色如是寂意正使江河沙
等諸佛世界滿中衆生有舍命類展轉相愛

展轉相生皆使眾畢得爲人形從思想生其中一人正使所生亦猶如彼一切衆生如來亦見若干品色威儀禮節心所好樂不可限量悉欲察知本末言行亦復如來至真有以是緣各於衆生現如來像威儀禮節言行使然猶如一人心得解脫不與二人俱共同也

欲宣至實心得解脫乃至乎道如來至真乃能可悅一切衆生以悅衆生顯示色像威儀禮節言行亦然猶如寂意清淨明鏡隨其色貌以徃照之則現其像不失本類等示無異未曾變改明鏡照形亦無想念如來如是雖以法濟一切衆生無有想念無利養心可悅

龍十

二

一切衆生心行隨上中下深淺之法開化度脫三界迷惑是爲如來身行祕要密跡金剛力士復謂寂意菩薩如來祕要亦不分別陰種諸入不歸罪福不生塵勞不成父母無四大胚胎亦無骨肉所聞功勲無塗華香悉無所有不繫在色無出入息壽命滅盡欲知佛

龍十

三

身則是法身身無有色無衆妄想所現色相爲貪慕好求豪尊位衆生之故而示形相令因觀矣法相靜寂爲敬慧故一切衆生使趣天眼密跡復謂寂意若有衆生俱在一會各見佛身以緣意觀其遠住觀住本不見其住本也見住遠不見者無意緣也見者以亂意緣不見也若以意緣不得見者若以己身而察見之用見他人故不見之也又見他人故復能見者用見己心故不見之也其在夢中有所見者從夢覺已則無所見也定意所見起無所見起徃所見定無所見其空靜所見不靜不見其在空靜則無不見其見無業離

於無業無所見之其離無業乃有所見一無所見密跡復謂寂意其如來身從無數事各隨顯見其色行天身行寂然威儀禮節而心自定然後復亂斯如來身無有邊際亦無限礙亦無妄想不可想節如來身者不可限取無若干像如來身者亦復如是無所不徧猶

如虛空不有妄想如來若斯求無思想猶如虛空皆以徧入一切形色如來若斯悉以周徧照諸衆生猶如虛空普入諸色間開其裏如來之身亦復如是普照衆生靡所不徧猶如虛空皆長一切百穀草木如來若斯至真之體長育德本猶如虛空不計有常及與無

常亦無晝夜如來若斯身不有常不云無常不能見其頂又復寂意諸佛世尊佛以普見天上世間魔王梵天無敢當佛觀其頂者諸天龍神捷沓和阿須倫迦樓羅真陀羅摩休勒人與非人聲聞緣覺若諸菩薩莫能堪任見如來頂所以者何佛成道未久時轉法輪

遊波羅柰東方去是世界甚遠乃得思夷華佛土世界曰懷調有菩薩名曰應持來詣忍界奉現世尊稽首作禮敬問供事禮足下已達佛七匝則往其前應持菩薩時心念言我欲度知如來身限自變其身高三百三十六萬里觀如來身五百四十三萬光垓二萬億

里則心念言我獲神足神通自娛我寧可復測度佛身所入云何佛以威德以神足力上方去此百億江河沙諸佛國土有世界名蓮華嚴其土有佛名蓮華上如來至真等正覺現在說法應持菩薩往在其前不能觀之在上而立遙視求不遠見世尊大聖能仁佛頂欲見頂相求不得見也不知佛身高長廣遠幾千億載江河沙佛土時應持菩薩徧詣蓮華上佛所稽首佛足右遶三匝住於佛前而白佛言我身所來去是遠近佛言去此百億江河沙佛土卿族姓子從彼到斯應持菩薩白佛言我上過到若干佛土不能得見釋迦文佛頂不知高長幾百千億江河沙佛土彼佛答曰假族姓子以是方便聖明之慧斯神足力從此轉上江河沙劫忽以越過上所喻佛土尚不能得見於世尊釋迦文頂亦不可得其身邊限又族姓子當知佛身無限巍巍如是不可譬喻諸佛世尊不可稱載又族姓

龍十

子用無侶故名不可喻如來禁戒亦無譬喻
三昧定意智慧解脫度知見品身口心業色
相衆好悉不可喻一切衆生以若干品引譬
舉喻咨嗟如來禁戒無極定慧解脫度知見
品身口心業色相威好猶如虛空不可得邊
如來之身無際若斯於時應持菩薩聞蓮華

上如來所說欣然大悅得未曾有即禮佛足
遶聖七匝沒彼佛國承佛聖旨蒙已神力發
意之頃到此佛土徃詣佛所前稽首禮釋迦
文佛足右遶七匝則住佛前以偈頌曰
欲解達佛身 猶如喻虛空 樂得知邊際
以捨所造作 過此百千億 無量江河沙

上越若干土 欲見佛身頂 過到無限土
至蓮華佛界 樂得身邊限 不覩見佛頂
其彼國土佛 名曰蓮華上 見我心所念
便以分別說 假使引衆喻 講諸佛世尊
便不順佛教 則爲誹謗聖 若欲知譬喻
諸佛法平等 頒宣虛空限 實無有邊際

設猶如虛空 解脫度知見 欲觀世護頂
佛身徧如是 其光照所至 心徧亦復如

龍十
如慈心所徧 身所周若斯 如道心功德
所度復越是 其發道心福 一人德如是
功德業名稱 功德周等無異

慧周等無異 功德亦如是 導心無有二
解色亦如是 充滿於虛空 如一切衆生
所受福德品 如其發道心 功德過於彼

一切諸佛興 不得其邊際 其興於道心
不得其邊際 得樂解空無而護諸正法
十六不獲一 奉修佛道行

頒宣百億劫 其興於道心 十六不獲一
假使引衆喻 執持尊上法 菩薩則勇猛

說是頌偈時 是慧乃和同 震動億佛土

諸天億百千 鼓億千伎樂 無數億千人
悉發天道心 因聞大法故 應持之所歎
是虛不可議 無上不可限 諸佛普示現
自在之祕業 密跡力士謂寂意曰是如來身祕要若彼衆
生皆集一會或有能見如來身者或不見者

其能見者歡喜觀之其不見者默然而觀如
來不食衆生悉見如來服食又寂意知如有
天名精力初化受道取如來食而器受之濟
諸窮乏衆人皆見如來而食見如來舉食著
於口中自然還器諸天子取牲古宿世如來
所種植衆德本而有餘殃在在所生就與羸
劣使服食之飢乏困厄不得食者如來愍此
以食授之是衆生等食斯飯已身體安隱消
除塵勞衆想休息心性仁和志存無上以平
等覺發不可思議以是之故當作是觀如來
不食如來至真以法爲食所以者何如來之
身或鉤鎖體猶如金剛鏗然堅強不可破壞

其如來身無有生藏亦無熟藏復無堅軟亦
無不淨大小諸便咳唾之穢又如來身如紫
金色無怯無弱不有恐畏寂意且觀於如來
身曠然無極甚妙堅固猶如金剛而身柔軟
如細天衣或時上妙顯微妙身天人玉女稽
首足下禮如來身觸如來足柔軟極細不可
龍十

六

修德本以不妄想觀於如來乃曰真道是爲
寂意如來身祕要若有布施如來瑞應所化
自在以律開化衆生不受長育解衆生想而
爲頒宣建立應度如來於彼觀無所業又無
所行如來至真未曾念是我當化形所當化
者若方當化心自念言又化所觀如來至真

在此業前乃至世界所說土地無數世界如來所化往來所至如來在彼觀無所想其如來者從身放光明若干種色無央數色不可計限百千曜色其光所照江河沙等諸佛國土光明遠照所奉行業衆生皆從彼開化之以是無業所作行無是故寂意如來身祕要

諸所念行所領宣說所成就發無上正真道意又如來身祕不可稱計說是如來身行祕要時十千人發無上正真道意八千菩薩速得無所從生法忍諸天人民阿須輪世間人讚歎密跡善哉善哉諸天伎樂不鼓自鳴雨於天華世尊以右紫磨金色手舉著密跡金

龍十

七

剛力士頂上歎曰善哉善哉密跡快善說是如來身祕要今所宣說如佛所教而無有二密跡力士謂寂意何謂爲如來口祕要其夜如來逮無上正真道成最正覺至無餘界泥洹之界滅度日夜於其中間施一文字以能頌宣一一分別無數億載講演布散無限義

理所以者何如來常定如來至真無出入息無所思念亦無所行無復思想悉無所行雖口所宣無想無行如來所行無應不應無言無說不想有人世尊所說一切超越三昧正受皆以文字而分別說頌宣文字而自倚著一切衆生如是周旋往來如來爲我講說經法是則名曰如來在彼亦無想念如來所觀而知止足其舌之門口宣音響聞所宣音莫不悅喜而演如來言辭之教散一音聲悉普周徧衆生所想衆生心念是則如來從口敷演如來言辭出六十品各異音聲何謂六十吉祥音柔軟音可樂音悅意清淨音離垢音顯曜音微妙音明聽音無亂音無憤音師父音無剛鞭音無麤穢音善順音安重音身所吉和音隨心時音空悅音與愛安想音無惱熱音方正音識達音親近音意好音歡悅音和教音曉了音精勤音忍和音重了音其響去穢音應師子音龍鳴音雨好音海雷龍王

音真陀羅伎音哀鸞音鷹暢音鶴鳴音耆域音英鳥音雷震音不卒音不暴音普入響音去非時音無乏音無怯音悅豫音通暢音戒禁音美甘音進行音廣普音具足音諸根無瑕音不輕疾音無住音響普入衆會音宣諸德音密跡金剛力士謂寂意菩薩是爲如來

六十品音其如來音普通十方諸佛世界可悅一切衆心性行如來所觀無有妄想如來道心不作是念吾當爲其口宣經法通聞經德經所演經分別經頌詩經藏經於是順經生經方等經未曾有法經譬喻經章句經若說古喻若有引喻有頌宣言論談語諸無上

龍十

講諸事敷演衆事有所處當分布遠近開通其本自解曉了宣暢其義而爲開化又衆會等如來至真所宣法典親近佛坐入比丘衆比丘尼清信士女諸天龍神捷皆和阿須輪迦留羅真陀羅摩休勒若人非人衆會之黨隨衆生根所行精進從所樂法而令入道以

順入道求衆生無因開化之樂法音響亦復如是斯諸衆生心自念言從如來口出不以各各說法隨心別異言行應時各各聞法而得開解是則名曰如來口密要也又有寂意無數衆生行不可計其所言辭八萬四千闍處下劣誘進此輩無明衆生入如來法而蒙開化又衆生行不可限量若有貪姪隨時因彼衆生所行由入其中便救濟之怒癡衆生及等等分行三事蔽衆生之類隨其三界思想之頃莊嚴拔之令無所住而無異心入衆生類罪福之行而爲分別現如來壽而有限盡不知衆生所行罪福以權方便各說異法如來善權衆生無限不可計量所行不同便爲頌宣若干品法又以衆生在於我所面現相值如來所說悉徧入心隨其本行宣布道業各解入道是則名曰如來祕要是若有菩薩入如來祕要是等不知謂於如來至真演有爲之門而如來法悉是無爲又有如來宣一

龍十

九

品音衆生想念坐有所說唯憶想樂如來音者妄想所說不當作是觀而如來口求無所說所以者何或有衆生聞如來音眉間之相謂之在頂若有想髮知之紺色從天中時目善明好人不堪任諦視如來所以施與消除諸非棄諍訟門無危害心若頸肩臂去衆陰事若諸指事若以身脅若有宣頌從背至足若以腹若以齶又陰馬藏若以膝腨無瞋休息若以有相及成種好於世最上若有想知如來至真聞其音響隨其所好諸根厚薄從其應度而開化之演斯音訓悉使入律雖尔如來所觀開化亦無想念猶如寂意或譬如意樂以調其音以手鼓之其聲悲和無有在彼作是聲者皆由方便緣合而有殊特悲和之音如是寂意如來言辭化衆生心緣其暢教如來在彼有所演說無有偏黨皆是宿緣所造立行而有殊特如來至真在於衆生超絕巍巍由本殊特猶如寂意呼聲之響其音

遠徹其音所出不在於內亦不處外不在中間如來若斯宣音訓誨衆生之心其辭言教不從身出亦不從心不內不外不從中間猶如大海之中如意明珠演其光耀可一切衆若寶明珠繫在幢頭遍照城市從衆生心所欲志願其明月珠出寶衆人各得所欲斯明珠寶亦無想念如來若斯其有寶心志存清淨執大哀幢從衆生性根無所不應各使開解雖顯是教亦無想念是則如來所宣祕要密跡金剛力士復謂寂意菩薩吾今普觀天上世間諸魔梵天沙門梵志諸天人民都不能限如來所宣音響文辭所以者何我身憶念如是世尊在靈鷲山與諸菩薩眷屬圍遶而有法典名淨音場廣爲衆生而頒宣此時慈氏菩薩之所建立當余之時賢者大目連心自念言吾欲試知如來音響所徹遠近時大目連自於其坐忽然不現住須彌頂聞如來音如在目前自以神力即遊於是三千大

千世界最在其邊越衆須彌諸四方域一切
鐵圍山住在極邊大鐵圍山頂聞如來音如
故無異如近不遠佛自念曰是大目連欲試
如來清淨音場吾今寧可顯其神足於是世
尊發現神足時大目連承佛聖旨蒙已神足
西方界分去是懸遠然過九十九江河沙等

德聖勢時大目連往詣光明王佛所稽首足
下右遶七匝却在前住白其佛言又今是身
我欲跏趺坐此地容不佛告之曰如意所樂
時大目連涌在虛空億百諸仞在彼寶域便
作一牀跏趺而坐從其牀座垂衆名寶珠瓔
億百千垓一一珠瓔一一珠中演百千光一

龍十
土

諸佛國土有佛世界名光明幡又其土佛名
光明王如來至真等正覺今現在說法目連
到彼往其國土故聞佛音如人對住聽所語
辭其光明幡佛土有大光明佛身長四十里
諸菩薩身長二十里其諸菩薩所食鉢器其
高一里目連行鉢際上時諸菩薩白世尊曰
唯然大聖此蟲何所從來被沙門服行鉢際
上於時彼佛言諸族姓子慎勿發心輕慢此
賢所以者何今斯耆年名大目連是釋迦文
佛諸聲聞中大弟子神足第一時光明王佛
告大目連吾土菩薩及諸聲聞見鄉身小咸
發輕慢仁當自顯現神足力承釋迦文佛威

一光明各有蓮花一切蓮花現釋迦文身坐
蓮華上其所說音如釋迦文音響清淨頒宣
經典等無有異時大目連顯神足力已復往
佛前時諸菩薩得未曾有恠之所以前白佛
言是大目連以何等故詣此世界世尊告曰
欲試釋迦文佛音響所徹遠近故到此土時
光明王佛告賢者大目連仁者不宜試如來
至真音響無限無有遠近豈欲知限鄉甚大
誤假使目連仁以神足過江河沙劫西行不
休不能得知如來音響所聞諸佛世尊音響
曠遠超絕無限巍巍無量不可為喻時大目
連在彼世尊自投足下自懺悔過唯然世尊

我身不敏佛音無量而橫生心欲知其限所聞遠近其光明王告目連曰汝雖遠來過九十九江河沙諸佛世界到此佛土復白佛言甚遠甚遠天中之天身甚勞極不能復還至其本土世尊告曰於目連意所在云何以已神力到此世界莫作是觀故是世尊釋迦文

龍十

十三

佛威德所立到此忍界當遙自歸稽首作禮於釋迦文佛其佛聖旨將仁本土假使卿身以已神足欲還本國一劫不至卿現來至到不見能仁佛滅度時於目連意所念云何我從何方東方南西北方乎目連答曰不知何方也今以迷惑不知本土何所在處爲在何

方世尊告目連釋迦文佛在於東方時大目連右膝著地向釋迦文佛在東方叉手自歸

余時頌曰

唯天人之尊 見垂力愍念 威德大巍巍
天人所恭敬 音響徹無量 其慧無邊際
願顯其國土 今欲還斯土

如是寂意諸佛世尊音聲無際不可限量釋迦文佛遊在靈鷲山時舍利弗聞賢者大目連宣揚大音恠之所以賢者阿難前白佛言誰爲於今宣揚大音遙自歸命佛語阿難耆年大目連在西方境去是九十九江河沙佛土世界名光明幡其土佛號光明王如來至

真今現說法耆年大目連到彼佛土意中欲還歸斯國土故遙宣揚此大洪音阿難又問以何因緣到彼佛土佛告阿難大目連至當問其意時大衆會各白佛言欲樂得見光明幡世界及光明王佛如來至真等正覺覩大目連遊在其國余時世尊見諸衆會勸助意時從眉間相有大光明名俱受照九十九江河沙等諸佛世界至光明幡佛土其大光明普偏衆會悉覩其土光明王如來至真大目連見之自投其地稱宣大音余時世尊釋迦文佛告賢者大目連承其光明來還此土時目犍連依佛光明發意之頃還到此土稽首

佛足右遠七市則住佛前悔過自歸重自剋責我甚迷誤如來音響不可限量而欲試之我所至到極爲曠遠所至到處聽音適等近不覺遠如來音響巍巍無際佛言如是目連如汝所云如來音響徹遠無以爲喻欲知如來音響遠近猶限虛空欲得邊際所以者何

劫共計觀察多少不能知之何況一切衆生
心念思想不可稱限乃如是也今故譖波惣
懃囑累計如一切衆生心想所演音響無限
若斯何況一切衆生心性是無形想不可計
喻於是頌曰

心念不能知以無想之心
乃佛隨之所念三世所想念
世雄一毛孔演其道宣宜
名色及心念佛頒宣一切
不佛言際無色無有言
一切不可得設言虛無實
塵勞亦無際故曰無内外
上中下之辭想應如倡伎
而音響普周佛皆頒宣之

一切心所念佛悉了所念其一切衆生
世護口所言宣音講經典所布各得解
如一切衆生所思諸名色如一切衆生
所布各得解斯音響在心如是本甚淨
諸天之音樂如是衆生心若斯其心無所想
如使不得辭如來演音響過於彼衆想
引喻計諸想無色誰能得無色誰能得
消滅無色塵以是無色塵無內亦無外
無身口心事無身口心事無身口心事
斯建立所處不捨無所立不捨無所立
一切衆生言亦無身言辭亦無身言辭
佛言通十方。佛言通十方。佛言通十方
衆生心若斯猶如呼聲響

無內亦無外 人尊言如是 乃無內無外
無想如妙寶 所說悅衆生 其言無妄想
可一切萌類

密跡金剛力士謂寂意曰是則如來口言祕
要又如來密要隨其音聲而爲衆生說法開
化斯三千大千世界設若干種如來至真宣

布訓誨從其音辭以不可計諸有名號化立
至誠若生無業斯則名曰苦習盡道名曰地
神擁護其心堅固意本於是呪曰 阿禪
阿婆牟黎 加何呵那移 柯迦優頭
是呪護一切是乃名曰苦習盡道其虛空中
一切諸天悉數所言各宣呪曰 活知 阿

龍十

十四

活知 阿活吒迦彌 阿和尼搃黎
是神呪救護一切是則名曰苦習盡道其四
天王諸天復說呪曰 伊泥彌泥 多閉多
多閉 維盧 救一切衆生是則名曰苦習
盡道法彼忉利天上諸天呪曰是神呪護一
切其迴轉 貴習 主滅盡 爲盡不相覺

要第三焰諸天而復呪曰 首黎道羅斯
和尼道羅犀雖邪 道犀雖邪被和尼
第四兜率天說呪曰 獨犯面觸
廻轉積畜業 是神呪護一切

第五樂無慢天說呪曰 所度俱所度
護所度 主度女 是神呪護一切

第六他化自在諸天呪曰 呵呼事業呼
和泥移 啊羅尼舍 是神呪護一切
第七諸梵天呪曰 有事業 事業種
因緣樹以因緣度 是神呪護一切
第八梵身諸天呪曰 清明 造清淨
清淨風 動清淨 是神呪護一切

第九梵滿諸天呪曰 無極氏 俱將去

道御主 念堅要 是神呪護一切

第十梵度著諸天呪曰 和那和那散提
和那呵呵那 和那拘摩那 是神呪護一
切第十一梵諸天呪曰 木密 木密鞭
彼亦鞭 印氏 是神呪護一切

龍十

十五

第十二光曜諸天呪曰 伊諧諧 將諧去
親近 是神呪護一切
第十三少光諸天呪曰 是取去 不將去
不使去 無所至 是神呪護一切
第十四無量光諸天呪曰 貴謂 道供謂
謂滅盡 謂無量 是神呪護一切
第十五光音諸天呪曰 以斷終 自在斷
順從和 常清淨 是神呪護一切
第十六約淨諸天呪曰 所至趣 所可歸
近所到 以近所到 是神呪護一切
第十七少淨諸天呪曰 清淨 清淨氏
淨復淨 歸清淨 是神呪護一切
第十八無量淨諸天呪曰 無我氏 無吾
我氏 未貢高歸自大 是神呪護一切
第十九淨難逮諸天呪曰 解脫以度
迹解度 本近解 是神呪護一切
第二十廣果天第二十一御辭天呪曰
以無作 無所作 除所作 所作究竟

是神呪護一切 密跡金剛力士言是則名
曰苦習盡道所當奉行所應開化而隨律教
顯現微妙無極之業第二十二離辭諸天第二
二十三假使諸天第二十四善現諸天第二
二五一究竟諸天淨居有四天所謂奉行決
了一處究竟天真究竟天無瞋恚天不親近
天是爲寂意諸天立至誠誓慧衆如是諸夜
叉鬼神捷沓和阿須輪迦樓羅真陀羅摩休
勒迦盧跡鬼神持花鬼神其言辭教各各別
異又寂意是闇浮利天下大國具足有一千
各有大郡其十六大國以用治政而相攝護
各自咨嗟一切諸人及與非人言語各異音
聲不同辭有輕重如來聖慧從其音響隨時
而入皆悉化之立正真業各有種號釋種安
息月支大秦劔浮擾動丘慈于闐沙勒禪善
烏耆前後諸國匈奴鮮卑吳蜀秦地諸麼夷
狄他羅多愚民野人及諸須叟耶呪女人處
國牟兜吒國因緣國波羅柰國數樹國金本

國脾羅本國倚脾沙國益本土上本國他談國北方異國西方所持國海中諸神衆蟲魚鼈諸山中神有形舍血之類阿拘羅摩拘羅阿那散諸牧羊諸禽獸所負諸癟種心不平正前曾生者處在世者如是寂意如斯千國周圍充滿於闇浮利天下各自異居又是諸人及非人類言語各異志操不同音聲各別如來至真隨其言音而入其中因開化之立於正真密跡金剛力士謂寂意菩薩曰此三千大千世界有八十四億百千垓衆生之類言詞各異計是一切皆歸一義至真之慧至誠無怒如是寂意是則如來言詞祕要又寂意如來言詞決於一切衆生疑網令無餘結十方一切所有衆生衆生種類多於地土此衆生之類所行各異與本不同罪皆使畢逮得人身以得人身從思想生是諸衆生逮得智慧辯聖勇猛如舍利弗含斯智慧爲一人聖如是比像普使衆生皆得智慧各如前一

聖明以是聖明在於一劫若過一劫智慧禪思以察衆想求其本末如其一人智慧禪思不復訓誨從第二人啓受言教智慧聖達各有大明以是比像斯衆生等各各無疑徃詣如來如來一時彈指之頃悉說本來大聖如是常以一心入於一切衆生心念皆能分別

慧明所在以一言辭悉決結網各各處當慧本所在各令欣然而得其所所聞如來智慧明達如來悉令明了又次寂意如來悉決一切衆生前後所疑令無餘結是爲如來言辭祕要所入音響又其言教是不足言如來言辭不可限量無以爲喻說是如來祕要言辭

時二萬二千衆生皆發無上正真道意一切衆會得未曾有普聞密跡金剛力士宣如來言辭祕要之業各懷悅豫各從座起稽首自歸

自惠許記不昫音舜所閨閨音間關上古竟及隔也下古還反謂爲
身也鏗然上苦耕反欸唾上苦愛反麤獷古猛反膝脣上聖士反阿裨卑脾
下市充反

柯迦上古何反搥黎上女獲反屏斯上卑和尼音夷又作和尼反羅屏音
氏禮反伊諧下二呼貴謂下尺丘慈上去求反亦云龜茲按
西域記云作屈居勿反

于闐音殿禪善上市戰反鮮卑上音仙下音卑山名因山爲國号麼夷狄上莫果反
下徒的瓦

衆虫音鬼反魚鼈并列反瘦種上音接

湖州路妙嚴寺伏承大普舊僧明滿生前施財製造
大寶積經一部用廣流通資
至化以延洪助法輪而益遠然冀協藍求固祖道猶昌
恩有均霑冤親等濟

泰定二年四月 日住持僧明參謹題

大寶積經卷第十一

師一

西晉月氏三藏竺法護譯

朱寶山

密跡金剛力士會第三之四

不變以爲餘識乃至定意還得壽命從彼終沒因其所行受身而生如是寂意如來從其夜得成佛道至滅度日於其中間如來無疑亦不廻轉心無思行心無遊行心無不堅心無所合心無所散心無亂心無移心無遊心無護心無寂心無失時心無迷心無求理心無暗心無生心無喜心無怯心無住心無徃心無想心無望心無求想心無消滅心無所觀心無御識心無住處心無觀他心目無覩耳無所聽無鼻口身心無想念意不倚色無聲香味細滑心不依法心無樂處心不非樂心不住內亦不住外心不入法心不越慧心不觀過去心不觀當來心不觀現在心如來聖心清淨巍巍其心不造罪福之業於一切法慧無墨礙而普示現已心清淨不見他人心不清淨其所見者亦無所觀若所觀者亦無妄想察無放逸觀所觀見亦無馳騁觀有所見永無所見知來所見不肉眼視不天眼